



JAVNA USTANOVA
DOM ZDRAVLJA
ZAVIDOVIĆI

Gazi Husrev-begova 25

tel.(032)878-877

fax (032)879-088

e-mail: polikzav@bih.net.ba

web : www.dzzavidovici.ba

Identifikacioni broj: 4218122690008

PDV broj: 218122690008

Žiro računi : ASA Banka d.d. Sarajevo : 134030000007482

Raiffeisen bank d.d. BiH Sarajevo – filijala Zenica : 1610550009120069

UPRAVNI ODBOR

Broj:01-2.16-680/23

Datum:28.02.2023. godine

Upravni odbor JU «Dom zdravlja» Zavidovići na osnovu člana 38. Statuta JU «Dom zdravlja» Zavidovići i člana 70. Zakona o javnim nabavkama Bosne i Hercegovine («Službeni glasnik Bosne i Hercegovine» br. 39/14 i 59/22), na svojoj 43. sjednici održanoj dana 28.02.2023. godine, donosi

ODLUKU

o izboru najpovoljnijeg ponuđača
za nabavku materijala za stomatologiju LOT 4 - boreri za stomatologiju

Član 1.

Okvirni sporazum za nabavku materijala za stomatologiju LOT 4 - **boreri za stomatologiju** za JU „Dom zdravlja“ Zavidovići, za period od 12 mjeseci, dodjeljuje se ponuđaču **Dental grupa d.o.o. Sarajevo**.

Član 2.

Ponuda ponuđača **Dental grupa d.o.o. Sarajevo** u provedenom konkurentskom zahtjevu za dostavljanje ponuda bila je prihvatljiva ponuda i nakon provedene e-aukcije imala je najnižu cijenu, te će se ovom ponuđaču ponuditi Okvirni sporazum za nabavku materijala za stomatologiju LOT 4 - **boreri za stomatologiju** za JU „Dom zdravlja“ Zavidovići, u ukupnom iznosu od **4.195,26 KM bez PDV-a**, što sa PDV-om iznosi 4.908,45 KM.

Član 3.

Drugi po rangi ponuđač, nakon provedne e-aukcije, bio je ponuđač **Krajinagroup d.o.o. Banja Luka**, sa ukupnom cijenom ponude u iznosu od 4.200,00 KM.

Član 4.

Ponuda ponuđača **Total Dent d.o.o. Banja Luka**, odbacuje se kao neprihvatljiva shodno članu 68. stav 4. tačka i), jer ista ne ispunjava zahtjeve iz tenderske dokumentacije.

Član 5.

Izabrani ponuđač će morati dostaviti original ili ovjerenu fotokopiju kvalifikacione dokumentacije u roku od 8 dana, od dana zaprimanja ove odluke, a kako je to navedeno u tenderskoj dokumentaciji i to:

- a) uvjerenje Suda BiH i suda prema sjedištu pravnog lica, kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca,
- b) uvjerenje nadležnog suda ili organa uprave kod kojeg je registrovan ponuđač kojim se potvrđuje da nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti,
- c) uvjerenja nadležnih institucija kojim se potvrđuje da je ponuđač izmirio dospjele obaveze za doprinose za penzijsko i invalidsko osiguranje i zdravstveno osiguranje.
- d) uvjerenja nadležnih institucija da je ponuđač izmirio dospjele obaveze u vezi sa plaćanjem direktnih i indirektnih poreza.

Član 6.

Izabrani ponuđač ne mora dostavljati ovjerene fotokopije sljedeće kvalifikacione dokumentacije:

- a) rješenje o registraciji ili izvod iz sudskog registra sa priložima o registraciji djelatnosti koja je predmet javnog nadmetanja
- b) Važeća potvrda (rješenje) o upisu u registar proizvođača ili veletrgovaca medicinskih sredstava izdato od Agencije za lijekove i medicinska sredstva BiH.

Član 7.

Izabrani ponuđač ne mora dostavljati dokumentaciju iz člana 6. ove Odluke iz razloga jer je uz svoju ponudu dostavio ovjerenu fotokopiju sljedeće dokumentacije:

- a) Aktuelni izvod iz sudskog registra, broj: 065-0-RegZ-22-012022 od 16.11.2022. godine – ovjerena fotokopija 15.12.2022. godine,
- b) Rješenje Agencije za lijekove i medicinska sredstva BiH, o upisu u registar veleprometnika medicinskih sredstava, broj: 10-07.12-6-1002-2/20 od 08.05.2020. godine – ovjerena fotokopija 07.02.2023. godine.

Dokumentacija iz stava 1. ovog člana evidentirana je u Zapisniku o pregledu i ocjeni ponuda, broj: 01-2.13-490/23, a u podtački 2.3. tenderske dokumentacije, broj: 01-2.12-208/23 od 30.1.2023. godine propisano je da ponuđač može u ponudi dostaviti ovjerenu fotokopiju dokumentacije iz podtački 2.1. i 2.2. ove tenderske dokumentacije, te u slučaju da bude odabran kao najpovoljniji ponuđač ne mora ponovo dostavljati ovjerenu fotokopiju dokumentacije.

Član 8.

Ova odluka stupa na snagu danom donošenja.

Obrazloženje

Obavještenjem o nabavci br. **638-7-1-38-3-11/23** koje je objavljeno na portalu javnih nabavki dana **30.01.2023.** godine i u „Službenom glasniku BiH“, broj: 7/23 od 03.02.2023. godine, pokrenut je konkurentski zahtjev za dostavljanje ponuda za nabavku materijala za stomatologiju LOT 4 - **boreri za stomatologiju JU „Dom zdravlja“ Zavidovići** za period od 12 mjeseci.

Nakon objave obavještenja o nabavci, tendersku dokumentaciju za predmetnu nabavku sa portala javnih nabavki preuzelo je 7 ponuđača i to: TOTALDENT, EKAPIJA DOO, AXIOS, MEDICAL PARTNERS, BBS EUROPE, DENTAL GRUPA DOO i KRAJINAGROUP D.O.O. BANJA LUKA.

Na adresu JU “Dom zdravlja” Zavidovići, za LOT 4 - boreri za stomatologiju, dostavljene su tri ponude i to: Total dent d.o.o. Banja Luka, Dental grupa d.o.o. Sarajevo i Krajinagroup d.o.o. Banja Luka.

Komisija za javne nabavke (u daljem tekstu: Komisija) izvršila je otvaranje ponuda dana 10.02.2023. godine u Sali za sastanke u JU «Dom zdravlja» Zavidovići u 15,30 sati, kao što je naznačeno u tenderskoj dokumentaciji.

Nakon pregleda dostavljene dokumentacije Komisija za javne nabavke utvrdila je da dvije ponude odgovaraju uslovima iz tenderske dokumentacije, odnosno da su prihvatljive ponude, a da je jedna ponuda neprihvatljiva.

Neprihvatljivom je ocijenjena ponuda ponuđača **Total Dent d.o.o. Banja Luka**.

Ponuda ponuđača **Total Dent d.o.o. Banja Luka** neprihvatljiva je iz slijedećeg razloga:

U Tenderskoj dokumentaciji br. 01-2.12-208/23 od 30.1.2023. godine, u tački 1. PREDMET NABAVKE, podtačka 1.2. PODJELA NA LOTOVE, propisano je: “Ponuđači mogu dati ponudu za jedan lot ili za sve lotove. Za svaki lot podnosi se posebna ponuda (u odvojenim kovertama). U ponudi unutar lota moraju biti ponuđene sve stavke na način kako je to definisano tehničkom specifikacijom.”

U Tenderskoj dokumentaciji br. 01-2.12-208/23 od 30.1.2023. godine, u tački 4. PRIPREMA PONUDA, naznačeno je da se pri pripremi ponude ponuđač mora pridržavati zahtjeva i uslova iz tenderske dokumentacije.

Također, u tenderskoj dokumentaciji, u tački „4. PRIPREMA PONUDA“, podtačka „4.1. Ponuda mora sadržavati najmanje:“, propisano je da ponuđač koji dostavlja ponudu za više lotova ima pravo da dokaze o ispunjenosti uslova za kvalifikaciju iz podtački **2.1. i 2.2. “lična sposobnost (član 45. ZJN) i sposobnost obavljanja profesionalne djelatnosti (član 46. ZJN)”** i podtačka „4.7. Diskvalifikacija po osnovu sukoba interesa ili

korupcije“ ove tenderske dokumentacije, dostavi u jednoj ponudi, prvoj po rednom broju lota na koji se prijavljuje.

Ponuda ponuđača Total Dent d.o.o. Banja Luka, dostavljena 09.02.2023. godine u 08,10 sati i zaprimljena u protokol ugovornog organa pod brojem: 01-2.14-321/23, odnosi se na LOT 2 i LOT 4 (**na koverti naznačeno: “Ponuda za nabavku materijala za stomatologiju – lot 2 i lot 4”**). Opisani način dostave ponude, nije u skladu sa odredbom tački 1. PREDMET NABAVKE, podtačka 1.2. PODJELA NA LOTOVE, kojom je propisano da se za svaki lot podnosi posebna ponuda (u odvojenim kovertama).

Ponuda bi bila ispravno dostavljena da su unutar koverta koja je zaprimljena u protokol ugovornog organa pod brojem: 01-2.14-321/23, bile dvije posebne koverta za LOT 2 i LOT 4, što ovaj ugovorni organ nije mogao znati dok nije otvorio kovertu i utvrdio da u koverti nalazi samo jedna ponuda, jedan spiralni uvez, a unutar ponude numerisane pod brojem 61/23 nalaze se obje ponude i za LOT 2 i za LOT 4 kako je popisana dokumentacija od a) do pp) u Zapisniku o pregledu i ocjeni ponuda br. 01-2.13-490/23.

Obje dostavljene ponude uvezane su u spiralu kao jedan dokument ponude i osigurana jemstvenikom čija su oba kraja na posljednjoj stranici pričvršćena naljepnicom ovjerenom pečatom i potpisom dobavljača, te su obje ponude numerisane zajedno na 186 stranica.

Obzirom da je u Tenderskoj dokumentaciji br. 01-2.12-208/23 od 30.1.2023. godine, u tački 4. PRIPREMA PONUDA, naznačeno da se pri pripremi ponude ponuđač mora pridržavati zahtjeva i uslova iz tenderske dokumentacije, a ponuda je dostavljena suprotno navedenoj odredbi iz tačke 1., podtačka 1.2. Tenderske dokumentacije, ugovorni organ dužan je odbaciti ponudu, shodno članu 68. stav 4. tačka i) Zakona o javnim nabavkama, jer predmetna ponuda ponuđača Total Dent d.o.o. Banja Luka ne ispunjava zahtjeve iz tenderske dokumentacije.

Shodno odredbi tačke 4., podtačka 4.1. tenderske dokumentacije br. 01-2.12-208/23 od 30.1.2023. godine, ponuđač je imao pravo da dokaze o ispunjenosti uslova za kvalifikaciju iz podtački 2.1. i 2.2. **“lična sposobnost (član 45. ZJN) i sposobnost obavljanja profesionalne djelatnosti (član 46. ZJN)”** i podtačka „4.7. Diskvalifikacija po osnovu sukoba interesa ili korupcije“, dostavi u jednoj ponudi, prvoj po rednom broju lota na koji se prijavljuje, ali ostali dokazi, morali su biti dostavljeni odvojeno tj. za svaki LOT dotavlja se **“posebna ponuda (u odvojenim kovertama)”**, upravo kako piše u tački 1. PREDMET NABAVKE, podtačka 1.2. PODJELA NA LOTOVE, Tenderske dokumentacije.

Imajući u vidu izneseno nakon provedenog postupka ocjene ponuda utvrđeno je da **ponuđač Total Dent d.o.o. Banja Luka, u ponudi nije dostavio sve tražene dokumente na način kako je propisano tenderskom dokumentacijom.**

Usljed utvrđenog činjeničnog stanja, **ponuda ponuđača Total Dent d.o.o. Banja Luka, odbačena je shodno članu 68. stav (4) tačka i), jer ponuda ne ispunjava zahtjeve iz tenderske dokumentacije.**

U ovom postupku nabavke predviđeno je provođenje e-aukcije.

E-aukcija je način provođenja dijela postupka javne nabavke, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i

omogućava njihovo rangiranje pomoću automatskih metoda ocjenjivanja u informacionom sistemu e-Nabavke.

Nakon pregleda i ocjene ponuda za nabavku **materijala za stomatologiju – LOT 4 - BORERI ZA STOMATOLOGIJU** za JU „Dom zdravlja“ Zavidovići, utvrđeno je da su dvije ponude prihvatljive, usljed čega je bio ispunjen uslov za zakazivanje e-aukcije u sistemu e-Nabavke u skladu sa Pravilnikom o uslovima i načinu korištenja e-aukcije („Službeni glasnik BiH“, broj 66/16 od 06.09.2016. godine).

Ugovorni organ odlučio je da e-aukciju zakaže za **27.02.2023. godine sa početkom u 09,00 sati, te da će e-aukcija trajati 10 minuta.**

Prvobitni rang ponuđača koji je utvrđen na osnovu cijena iz ponuda i na osnovu kojeg je i zakazana e-aukcija bio je sljedeći:

Ponuđač:	Dental grupa d.o.o. Sarajevo	Krajinagroup d.o.o. Banja Luka	Najniža vrijednost ponude
Ukupan iznos bez PDV	4.745,30	4.746,80	4.745,30
Rang	1	2	

Ugovorni organ iz sistema e-nabavke, preuzeo je izvještaj o toku i završetku e-aukcije **27.02.2023. godine u 09:59 sati**, te je nakon okončane e-aukcije nastavio rad na ocjeni ponuda u ovom postupku

Iz izvještaja se može utvrditi da su u toku e-aukcije podnošene nove ponude, te da je nakon okončane e-aukcije prvorangirani ponuđač **Dental grupa d.o.o. Sarajevo** sa najnižom cijenom ponude u iznosu **4.195,26 KM bez PDV-a**, a drugi po rangu je ponuđač **Krajinagroup d.o.o. Banja Luka**, sa ukupnom cijenom ponude u iznosu od **4.200,00 KM bez PDV-a**.

Cijeneći pravilnost provedenog konkurentskog zahtjeva za dostavljanje ponuda za nabavku materijala za stomatologiju **LOT 4 - boreri za stomatologiju** za JU “Dom zdravlja” Zavidovići, te datu preporuku od strane Komisije za javne nabavke odlučeno je kao u dispozitivu ove Odluke.

PRAVNA POUKA: Protiv ove odluke može se izjaviti žalba u roku od 5 dana od dana prijema ove odluke.

Žalba se izjavljuje Uredu za razmatranje žalbu putem ugovornog organa u pisanoj formi direktno, elektronskim putem ako je elektronsko sredstvo definisano kao način komunikacije u tenderskoj dokumentaciji ili preporučenom poštanskom pošiljkom u najmanje tri primjerka.

DOSTAVLJENO:

1. Dental grupa d.o.o. Sarajevo
2. Krajinagroup d.o.o. Banja Luka
3. Total Dent d.o.o. Banja Luka
4. a/a

**PREDSJEDNIK
UPRAVNOG ODBORA:**
Menić Elvir, dipl. pravnik

